

ԱՌԱՔԱՐՆ ՏԱՐԻ
№ 19
Տ Ա Ր Ե Կ Ա Ն
Բ Ա Ժ Ա Ն Ո Ր Գ Ս Գ Ի Ե Ն Է
Թաւրիգում 14 դրան
Գաւառներում 20 դրան
Ա Ր Տ Ա Ս Ա Հ Մ Ա Ն
Ռուսաստան 4 րբ. 50 կ.
Թուրքիա 50 դրուշ
Եւրոպա 12 ֆրանկ
Ամերիկա 2 տոլար 5 ս.
Յայտարարութիւնների վճարը
Առաջին երեսում տողատեղը 10 շահի
Զորորդ " " " " 5 "
ԱՌԱՆՁԻՆ ՀԱՄԱՐԸ 6 շահի
Խմբագրութեան հասցէն՝ Թաւրիգ
ՄիՏԻ-ի խմբագրութեան կամ Tauris (Perse)
Rédaction du journal «MITK»

Մ Ի Տ Ք
ՀԱՐԱԹԱԹԵՐԹ
ԱԶԳԱՅԻՆ—ՀԱՍԱՐԱԿԱԿԱՆ ԳՐԱԿԱՆ ՔԱՂԱՔԱԿԱՆ

ԽՄԲԱԳՐԱԿԱՆ ԿԱՆՈՆՆԵՐ
1. Մեզ գրողներից խնդրումէ գրեն պարզ, մաքուր
և անպայման բոլորի առաջին երեսի վրայ:
2. Խմբագրութիւնս իրեն է վերապահում իրաւունք՝
ստացուած յօդուածները փոփոխութեամբ և կրճա-
տումներով հրատարակելու:
3. Մենք մերժում ենք յուսկ չի ուղղագրական
հերձուածը և մեզ ենք վերապահում իրաւունք՝ ստա-
ցուած նիւթերը տպել մեր ընդունած ուղղագրա-
կամբ - ու-ով:
4. Չտպուած կարճ յօդուածները չեն վերադարձու-
մ. Ուղարկուած և չտպուած երկար նիւթերը յետ ստա-
նալու համար պէտք է ուղարկել պոստի ծախսը:
5. Ձի տպուի ոչ մի յօդուած եթէ դա կեղծ անուն
հետ միաժամանակ չի կրի յօդուածագրի անուն ազ-
գանունը:
6. Բաժանորդները թերթ չստանալու դէպքում շու-
տով տեղեկացնելու են մեզ՝ հակառակ դէպքում խըմ-
բագրութիւնս իրեն զերծ է համարում պատասխանա-
տուութիւնից:
7. Չտպուած յօդուածների համար խմբագրութիւնս
բացատրութիւններ չի տալիս:
8. Հասցէները փոխելու համար պէտքէ մեզ ուղարկել
2 դրան 10 շահի:

Ղալայի ծխականներ, վաղը Արամեան դպրոցի թատերասրահում վճռուելու է ձեր 60-ամեայ դպրոցների բաղդը: Գնացէ՛ք ժողովի, գնացէ՛ք համարձակ ու վստահ և ձայն տուէ՛ք արդէն թերթով յայտնուած ժողովրդական և անցեալ մաքուր գործունէութեամբ ծանօթ անձանց միայն: Թող ծագի ժողովրդական կամքի լուսապայծառ արեւը և ցրուի ու չքանայ Ահրիմա-նականների խաւարը մեր կոյս դպրոցներից: Ժողովուրդ, դէպի ընտրութիւն:

Ո՞վ է ՀԱԿԱՌԱՅ ՀԱՄԵՐԱՇԽՈՒ-
ԹԵԱՆ
Արտաբուսա այլ բան ասել
և ներքուստ բոլորովին ասածի
հակառակը գործել, անհ նշանա-
բուն ու կեանքի նպատակը ան
մարդոց, որոնք անմահացել են
վերջին տարիների հայ ազա-
րութեանց մէջ «Բայֆայ» կամ
«Փրկիչներ» «հոշակաւոր» անուամբ:
Մօտ մի տասնեակ տարի է,
որ այդ մարդիկ բռնուցքի և ար-
տաբուստ միայն շողջողուն սկըզ-
բունքների շնորհիւ թաուել են մեր
հասարակական գործերի պա-
տասխանատու աթոռների վրայ:
Պարագիտի պէս նրանք պիտի կպել են
մեր դժբաղդ ազգային-եկեղեցա-
կան հաստատութիւններին և ծծել
ու ծծում, անյազ ու անվերջ ծը-
ծում են դոցա կենդանութեան
հիւթերը:
Հակառակ ազգի գործադրած
հսկայական ճիգերի՝ նոքա պոկ չեն
զայիս այդ հիմնարկութիւններից:
Ուզէ՛ք չուզէ՛ք, ասում են նոքա
մենք պէտք է նստած մնանք ձեր-
վրին: Եւ որպէս զի արդարացին իր-
անց մահաշունչ գոյութիւնը և էլի
շարունակեն պատկուած մնալ
իրենց քար ու քանդ արած հաս-
տատութեանց վրայ, միշտ հրապա-
րակ են նետում մի նոր «գիւտ»
Այսպէս՝ Լիւաւի 15,000 թու-
մանը շողխացնելուց ենրա դպրոց-
ները սնանկացնելուց յետոյ, երբ
այլ ևս երեսատեղ չմնաց՝ այդտեղ
նախկին status quo-ն պահելու, աղ-
գային մեր պարագիտների այդ
քաջագունդ բանակը սկսեց առաջա-
նալ դէպի Ղալա՝ նոր գիւտ և նոր
աւետիս բերելով «տգէտ» Ղալացոց:
Համերաշխութիւն... անհ ի՞նչ
են «ղայլայլում» ազգային մեր
այդ ազգաները և «ղայլայլում»
են անվերջ ու ամեն տեղ:
Այդ «համերաշխութիւն» բա-
ռը այնպէս են շահագործում անց-
եալի իրենց «անարատ» և յիշատա-

կարծան գործերով հպարտ մեր
«փրկիչները», որ կարծես այդ
զաղափառին հակառակորդեր կան,
ուստի և դոքա հասարակական աս-
պարիզից դուրս պիտի հանուեն:
Եթէ, իրօք, մեր հայ իրակա-
նութեան մէջ կայ մի խմբակ, որ
հատեցրել է հասարակութեան
հակադէմքը, ապա մենք անմիջա-
պէս է պիտի աւանդուեալ որդի հասարակա-
կան լեռնացած գոլանքի ու ար-
համարհանքի առաջ տեղի պիտի
տայ, դա հէնց այդ «փրկչական»
պժգալի բանակն է, որ այսօր, ինչ
ինչ հաշիւներից մղուած, երգում
է «համերաշխութեան» մասին,
նորէն մէկ-երկու տարի ազգի հաշ-
ուն ապրելու համար:¹⁾
Ի՞նչ են հասկանում «համե-
րաշխութիւն» ասելով, կամ ի՞նչ
են պահանջում այդ խօսքով մեր
«պարզեցեցները»:
—Այդ խօսքով նոքա յայտնում
են, որ պէտքէ կայանայ երեք դպրոց-
ների ծրագրների միութիւն:
Լաւ: Բայց հիվ է հակառակ
ծրագրական այդ միութեան: Ա-
սէ՛ք, քարկոծման առաջին քարը
մենք նետենք:
Մենք №-15 «Միտք»-ի յաւել-
ուածի «Մերժում և վնասակար
ենք համարում» խմբագրականում
շատ բացորոշ, պարզ ու կտրուկ աս-
ել ենք:
Պահելով Ղալայի և Լիւաւայի
դպրոցներն առանձին և ան-
կախ՝ իրենց հոգաբարձու-
ներով և տեսուչներով, կա-
րելի է սակայն մշակել մի
եւ *) համանուն լաւ ուսում-
նական ծրագիր բոլորի հա-
մար պարսպադր:
Ի՞նչ է հետևում այս գրուա-
ծից:
¹⁾ Որովհետեւ այլ կերպ և այլ միջոցով
ապրել չեն կարող ձրիակերութեան՝ կամ
պարագիտի դիմ արդէն ընտելացածներ «ազ-
գասէրները»:
*) Ընդ գծումը մերն է.

—Այն, որ մենք և մեզ հետ
ամբողջ Ղալան կանգնած ենք ex
animo ծրագրի միանմանութեան
պահանջն անողների առաջին գծի վը-
րայ:
Եթէ այսօր Ղալա-Լիւաւա ան-
հաշտ և անհամերաշխ են, պատ-
ճառը դուք թայֆայականները էք,
«հայրենիքով» (և այժմ էլ, երբե-
մբն «Առաւօտի» էջերում «Խուլի-
զան» անունանոց «Հորիզոնով»)
անուանարկել, վատաբանել էք տաս
նեակ աւարիներից ի վեր Ղալան և
նրա վարիչներին և այդպիսով ստեղ-
ծել թշնամի կողմեր:... Ի՞նչ
թոյն ու զրպարտութիւն չէք տա-
րածել տեսուչ Աբեղնագովի և դե-
կավար պ. Զ. Նազարբէգեանի դէմ,
որին այժմ, սողուններ, te Deum
(գրեզ փառաւորեմք) էք երգում
կեղծաւորաբար:
Այս բոլորից յետոյ հաւատալի,
որ դուք կարող էք հոգով համե-
րաշխական լինել և անգամ մտա-
ծել ծրագրերի միանմանութեանց
մասին:
Եթէ այսօր մեր երեք դպրոց-
ները համանման ծրագիր չունին,
էլի մեղաւորը, ինչպէս «Միտքի»
նախորդ համարներով փաստօէն
ցոյց տուինք, այժմ միայն «համե-
րաշխութիւն» (?) բղաւորները էք:
Թեմական պատգմ. ժողովը
անցեալ տարի «ձեր» մարդկանցից
կամ ձեր արժան համարածներից
ընտրեց ուսումնական ծրագիր մը-
շակող մի յանձնախումբ: Անդամ-
ներն էին Կենտրոնականից՝ տե-
սուչ Յ. Դաւթեանը և ուսուցիչ
Հայկ Յովակիմեանը, Լիւաւից՝ տե-
սուչ Պրօնեանը և ուսուցիչ Ար-
տաշէս Յովհաննիսեանը, Ղալայից՝
միայն Աւագ Մելիք Աբրահամեանը
«Համերաշխականներ», ի՞նչ
եղաւ Ատրպատականի ձեր պառ-
լամենտականների ընտրած ուսումն
նական այդ յանձնաժողովի մշա-
կած ծրագիրը, կամ ինչո՞ւ չիրա-
գործուեց՝ եթէ մշակուել էր: Զե՞

որ պատգմ. ժողով, թեմ. խորհուրդ
և ամեն կարգի ոյժ ձեր ձեռքին
էր: Էլի հրիչներն են մեղաւոր
Ո՞վ թերացաւ:
Սորանից էլ աւելի պարզ ու
անհերքելի ապացոյց, որ ամեն
լաւ գործ դուք էք խանգարել ու
մեղաւորութեան դատապարտել, որ
ները համերաշխութեան, կամ,
ըստ ձեր, միանման ուսումնա-
կան ծրագիր ունենալուն:
Դեռ այդ բանի մէջ յայտնա-
պէս պարտագանց լինելով՝ դուք
անխղճահար կերպով ծրագրի չը-
մըշակուելու հարցում, «Հորիզոնի»
էջերում՝ մեղաւոր հռչակեցիք Կա-
րապետ եպիսկոպոսին:
Եթէ Կարապետ եպիսկոպոսը
մեղաւոր է, յամենայն դէպս ոչ
այդ հարցում:
Մեղաւոր է նրանով, որ իր
հինգ տարուայ թեմականութեան
օրով, իբր իշխանաւոր՝ համակեր-
պեց ձեզ և չմաքառեց ու չկարո-
ղացաւ Լիւաւայում կրօնի դաս
մտցնել:
Նա մեղաւոր է նրանով, որ
իր բացել տուած կենտրոնակա-
նում կրօնի դաս մտցնել չկարո-
ղացաւ և տեսուչն առաւել իրա-
ւասու ու զիկտատոր եղաւ ինչպէս
միւս բոլոր, նոյնպէս և այդ հար-
ցում, առարկելով որ «ուսուցիչ
չգտնուեց» կրօնի դասատուութեան
համար [!?!]:
Եւ, իրօք, եթէ Թաւրիգի մեր
երեք դպրոցների ծրագրների մէջ
կայ մի զգալի և այն էլ միակ
տարբերութիւն, ապա այդ այն է,
որ թայֆայականները *) հայ քրիս-
տոնեայ ժողովրդի դրամներով
պահուող Լիւաւի և կենտրոնականի
դպրոցներից տիրաբար, իբր և «յի-
մարութիւն», կրօնի դասը ծրագր-
րից ու դպրոցներից խստապէս

*) Անշուշտ էլի Մահկանացուներնու Ման-
կիկ էմաները «Հորիզոնում» կարծուլ կը-
կանչեն, «մասնութիւն» կրօնան ունեղծ
մարդիկ, որ Դաւթեան ու Մանասեանները
դուք էք ծնել վտանակներով:

դուրս էք վաճառել, այն ինչ «խա-
ւարամիտ» շաւարում այդ կրօնը,
ըստ ծագքի պահանջման, աւանդ-
ուած է:

Իրանից դուրս այլ խոսք, ան-
հատելի եւ անհարթի տարբերու-
թիւն չկայ երկրագործի զարգացման
ծրագրում:

Եզրակացութիւն:

Եզրակացութիւն այն, որ
համերաշխութիւն ասելով դուք
մոլորեցնում էք հասարակութեան
և ձեր նպատակն էլ չէ ամենեւին
մեր ուզած ծրագրերի միանմա-
նութիւնը, որ միշտ խանգարել էք,
առաջ բերել:

Մայիս 27-ին Լիւարի տեսու-
չը ակտը տալիս յայտնել է՝ միաց-
նել Դալայի եւ Լիւարայի դպրոցները:

Անս թէ դուք ինչի՞ էք ձգ-
տում քողարկուած ձևով և «հա-
մերաշխութիւն» խօսքի տակ:

Ձեր նպատակն է ընտրել մի
սխալիս հոգաբարձութիւն, որ
ինչպէս միշտ, պարէ ձեր դուրս-
կով և պահէ մի տեսուչ երկու
զարգացման վրայ: Պարզ ասած՝
դուք Դալայի փողով՝ ուղղում էք
պահել ձեր քանդած և ձեռքից դը-
նացած Լիւարան, պահել ձեր «բա-
րեխիդ» տեսչին և ձեր մարդոց
երկրագործի զարգացման:

Անս այդ ժողովուրդին մենք
հակառակ ենք և հակառակ է նաև
Դալայն, որ չի ուզում իր փողով
դուք ու ձերոնք մի շարքը դառ-
նալ իր պիւրի՝ որպէս Լիւարում:

Համեմատութիւն խօսքի տակ՝ դուք
սոս անո՞ս քողարկում էք շատ
բաներ: Բայց այլևս մանկամիտ-
ներ չկան որ խորունկ: Ձեր գը-
լուխը լալու ալ տեղ և ալ Եփ-
րատ փնտռեցէք:

«ՆՈՐ-ԴԱՐ» ԽՄԲԱԳԻՐ Ս. ՍՊԱՆ-
ԴԱՐԵ ՆԻ ՅԱՅՏՆԻ ԴԱՏԻ ՎՃԻՌԸ

Դաշնակցական կուսակցութեան
նախաձեռնութեամբ Փարիզում հրա-
րուած Յեղափոխական դատարանը
«Նոր-Դար» հայ լրագրի խմբագիր ըՍ-
պանդար Սմիթնանեան Սպանդարեանի
և Դաշնակցական գործի մասին, որ
յարուցուել էր Դաշնակցական կուսակ-
ցութեան կենտրոնական օրգան «Իր-
շակ»-ում Սպանդարեանի՝ Պօլից. Դե-
պարտամենտի հետ յարաբերութիւն
ունենալու մէջ մեղադրութեան հըրա-
տարակութեամբ:

Դատարանի կազմն էր՝ Ա. Ֆ.
Ֆէյտ, որին դատաւոր էր ընտրել Սօց.
յեղափոխական կուսակցութիւնը, Վ.
Ի. Իգօրե, որին դատաւոր էր ընտրել
Ռուսաստանի Սօց. Դեմօկրատական
բանուորական կուսակցութիւնը, և Ա.
Ֆ. Ստալ, որին դատաւոր էին ընտ-
րել վերոյիշեալ երկու դատաւորները
և միաժամանակ նաև նախագահ նշա-
նակել:

Քննելով դատարանին ներկայա-
ցրած փաստաթղթերը, լսելով էքսպեր-
տների եզրակացութիւնն ու վկաների
ցուցմունքները, ինչպէս նաև Սպ. ըՍ-
պանդարեանի և Դաշնակցութեան ներ-
կայացուցչի բացատրութիւնները, հե-
տեալ հարցերը դրուեց վճռելու:

1. Հաստատու՞մ է արդեօք այն
բանը, որ դատարանում յայտնի եղած

հանգամանքներով Սպանդարեանը ծա-
ռայելիս է եղել Պօլից. դեպարտամեն-
տում:

2. Հաստատու՞մ է արդեօք այն
բանը, որ Սպանդարեանը (կամ նրա
գիտութեամբ նրա ընտանիքը*) նրա
վիճակը թիթեակցելու և կամ այլ պատ-
ճառներով՝ դրդեց Գոստանդին Սպան-
դարեանին ծառայութեան մտնել Պօլ.
Դեպարտամենտ:

3. Հաստատու՞մ է արդեօք այն
բանը, որ Սպանդարեանը՝ Կոստ. ըՍ-
պանդարեանի Պօլից. դեպարտ. ծառա-
յութեան մտնելուց յետոյ աշակցեց
նրան քաղաքական լրտեսութեան գոր-
ծում:

4. Արդեօք դաշնակցութեան կու-
սակցութիւնը բարեխղճօրէն վարուեց՝
մեղադրելով Սպան. Սպանդարեանին
Պօլից. Դեպարտամենտի հետ յարաբե-
րութիւն ունենալու համար, տպագրե-
լով այդ բանը, և արդեօք նա հիմք ու-
նէր փաստերը մեղադրութեան համար
արժանահաւատ համարելու:

5. Արդեօք դաշնակցութեան կու-
սակցութեան կողմից չի խախտուել
մարդուն պատկանած ձևական ապա-
հովութեան իրաւունքը, որի դէմ Դաշ-
նակցութիւնը հրապարակով այդպիսի
մեղադրանք է անում:

Հարցերից առաջին երեքին դատա-
րանը բացասական պատասխան տուաւ
դատարանում գործի բացայայտուած
հանգամանքները ոչ միայն չհաստա-
տեցին ա) Սպանդարեանի մեղադրու-
թիւնը Պօլից. Դեպարտամենտի հետ
յարաբերութիւն ունենալու մէջ անմի-
ջապէս կամ իրա եղբայր Կոստ. Սպան-
դարեանի միջոցով, բ) որևէ ճշտուած
Կոստ. Սպանդարեանի վրայ՝ Դեպար-
տամենտ ծառայութեան մտնելու նը-
պատակով և գ) աշակցելով Կոստ. ըՍ-
պանդարեանի քաղաքական խուզար-
կութեան գործին, այլ և չեն կարող
հիմք ծառայել կասկածելու Սպ. Սպ-
անդարեանի այդ տեսակ վարմունքնե-
րի մէջ:

Չորրորդ հարցին դատարանը դը-
րական պատասխան է տալիս: Նախն
Ս. Սպանդարեանի դէմ «Իրօշակում»
հրատարակելը ամբողջ հանգամանքը
այնպէս էր, որ Դաշնակցական կուսակ-
ցութիւնը բաւականաչափ հիմունք ու-
նէր մեղադրանքը համարելու լիովին
հաստատել, անկեղծօրէն համոզուած էր
Սպ. Սպանդարեանի մեղադրութեան
մէջ, հետևապէս գործել է լիովին բա-
րեխիդօրէն՝ տպելով այդ մեղադրու-
թիւնը:

Հինգերորդ հարցին դատարանը
դրական պատասխան է տալիս: Աչքի
առաջ ունենալով, որ այդ մեղադրու-
թիւնը գետեղուած է յեղափոխական
կուսակցական կենտրոնական օրգա-
նում, որ նրա արժանահաւատ լինելը
յիշուած էր բացառապէս կուսակցու-
թեան հեղինակութեան վրայ և որ
կուսակցութիւնը դրա բոլոր պատաս-
խանատուութիւնը իր վրայ է վերցնում,
դատարանը գտնում է, որ Դաշնակցու-
թեան կուսակցութիւնը, նախապէս մե-
ղադրանքը հրատարակելը պարտաւր էր
այդ մասին տեղեկացնել Սպ. Սպան-
դարեանին:

*) Դաշնակցութիւնը հափազանք ներ-
քննելով Սպանդարեանի անմեղութիւնը
արատաւորած լինելու տեղը յաւակնու-
թեան պատճառով, դիմումներ յորինել է այս
Չորդ և յետագայ Յորդ կէտը, որ մի կերպ
իրեն թիթեակցի այլոց մեղադրելով:
Ծ. Խմբ.

Այս ձևական պարտաւորութիւն-
ների կատարումը այս դէպքում կա-
րող էր ապագայ կուսակցութեանը ակա-
մայ սխալից խել Սպ. Սպանդարեա-
նին էլ՝ իր բարի անունն արատաւո-
րող ծանր հետեւանքներից:

Ինչ վերաբերում է Սպ. Սպան-
դարեանին նիւթական վարձատրութիւն
տալու հարցին Դաշնակցութեան կու-
սակցութեան կողմից այն փաստերի
համար, որ պատճառել է նրան վերո-
յիշեալ մեղադրութիւնը, դատարանը
հնարաւորութիւն չունենալով գործի
մէջ եղած փաստերի վերայ հիմնուելով
որևէ պատասխան տալու և թոյլատրե-
լի չհամարելով գործի վերջաւորու-
թիւնը յետաձգելու դրամական պա-
հանջների քննութեամբ, որոշեց.

Առաջարկել Սպ. Սպանդարեանին
և Դաշնակցութիւն կուսակցութեան՝
այդ հարցը իրա ամբողջութեամբ վճ-
ռել արբիտրաժի միջոցով, յանձնել դա-
տարանի նախագահի և կամ նրա ան-
դամներից մէկի, իրա ցուցմամբ:

Այս վճիռը կայացրել են միաժամանակ
և ստորագրել երեք դատաւորները:
Դաշնակցութիւն կուսակցութեան և Ս.
Սպանդարեանին տրուած է սրա մի-մի
պատճէնը նախագահի և դատաւորնե-
րի ստորագրութեամբ, որոնք որ այդ
րոպէին Փարիզում կը գտնուեն: Դաշ-
նակցութեան կուսակցութիւնը պար-
տաւորում է այս վճիռը ամբողջու-
թեամբ տպելու «Իրօշակի» մերձակա՝
Ն-ում, իսկ Սպ. Սպանդարեանին ի-
րաւունք է տրուած հրատարակելու այս
վճիռը ամբողջութեամբ լրագրելով
իրա ընտրութեամբ:

Դատարանի պալ. վճիռը վերջնա-
կանապէս կրպատրուի և կը յայ-
տարարուի կողմերին տարոյս օգոստոս
ամսի վերջին: Փարիզ, 20 յուլիսի 1911
Նախագահ դատարանի Ս. Ստալ
Դատարանի անդամ Բ. Իգօրե

Մեծ պառակտում եւ յուզում Ամերի-
կայայ 50,000 ժողովրդի մէջ

Ոստիկաններ Ուսթի եկեղեցւոյ մէջ
Գալիթանեան եկեղեցւոյ արտադրուած

Ժամանակէ մը ի վեր պատահած
անպատուաբեր դէպքերը, ցաւալի ի-
րողութիւնները մեզ այն համոզման
կտանեն թէ՛ յետ այսու մեր եկեղե-
ցական խնդիրները, արարողութիւննե-
րը պիտի կատարուին ոստիկաններու
ներկայութեամբ, եթէ ոչ արիւնհան-
դութիւնները պատրաստ են:

Երկար ամիսներէ ի վեր է որ Ուս-
տի Հայոց եկեղեցիին խնդրը զժողու-
թեան խնձոր դարձած է Դաշնակցա-
կաններու*) և Ռամկավարականներու

*) Հակառակ դատարանի այս վճռի,
Դաշնակցութիւնը, որովհետեւ խայտառակու-
թիւնը շատ մեծ էր և անպարփակելի, ոչ
միայն մերձակայ համարում չտպեց, այլ
ամբողջ մի տարի յետաձգեց և այն էլ չը-
րատարակեց հազար ծանօթութիւններով
իրաքանչիւր խօսքի տակ, չբանջանք փը-
տելով ֆոնդաների միջոցով, տես Վերջ
Ն 5: Այս գործի ամբողջութիւնը կտանք
պարբերաբար: Ծ. Խմբ.

1) Այսպէս չէ որ Դաշնակցութեան ցոյց չէ ֆի-
րմը 1908-ին Եջմիածնի կենտրոնական ժո-
ղովում թեքելի կրօնի ու կաթողիկոսի
ու քրիստոնէութեան վրայ և հրամայեցին
այդ բոլոր յետադիմական տարրերը դուրս
վանդել հայ ազգի միջից և որոշեցին Եջմիա-
ծնի գեղերը բաշխել թուրքերին. այժմ էլ
ինչ են ասում և ինչ են խառնում այդ
«հոտած կղերի» պաշտպանութեան գործում
Ինչ են ուզում այս մարդիկ խղճ հայ ազ-
գից: Երբ և ինչ բանումայդ մարդիկ հետե-
ղական կ'ունին

միջև, որոնք կը ջանան իրարու ձեռքէ
խլել դիմելով ամենաստոր միջոցներու
խել: Բայց ցաւալիս այն է որ, ժողո-
վուրդի մեծամասնութիւնը որ եկեղե-
ցիի անունով կերպուած շատ անգամ,
լուկ հանդիսատեսի դերին մէջ կը գտնուի
ու ասոնց ականջներէն չի բռներ դուրս
չարտեր, որոնք կարատաւորեն Հայ ա-
նունը և հայ եկեղեցին:

Բայց այս քանով չի վերջանար
կռիւր:

Յունիս 12-ին Ամերիկեան թեր-
թերէն իմացանք որ, Գալիթանեան որ-
պէս Առաջնորդական փոխանորդ քանի
մը թեթևալիկ դաշնակցականներու հետ
կառավարութեան դիմած է հոգաբար-
ձութեան հետունեցած իր հաշիւներուն
համար, բայց դատաւոր կրպատրուի
թէ. «Ես եկեղեցիին գործին չեմ ուզեր
միջամտել, ամօթ է ձեզի, ձեր ազգին
ու եկեղեցիին»: Գալիթանեան և իր.
թիկնապահ դաշնակցականներն այդ
պատասխանէն անգոս կը դիմեն ուղ-
ղակի Բարձր դատարանը (High Court)
բայց դեռ ոեւէ լուր չկայ, և չենք գի-
պել թէ ինչ ելք պիտի ունենայ:

Սպասեցէք, դեռ աւելին կայ:
Հենց այդ շաբթուան մէջ հոգաբար-
ձութիւնը (Ռամկավարականներէ կազ-
մուած) կուզէր որ Արսէն Վարդ. Վե-
հուհի ըլլայ կիրակնօրեայ պատարա-
գիչը, սակայն դաշնակցականներ Գալ-
թանեան կրպահանքէին: Յուզումը բա-
կաւ էր ժողովին մէջ: Հոգաբարձու-
թիւնը, սակայն, փոխանակ պատուա-
բեր միջոցի դիմելու գործերը համե-
րաշխօրէն վերջացնելու, դիմած էր կա-
ռավարութեան, որը չորս ոստիկան զըր
կած էր եկեղեցին:

Արսէն վարդ. պիտի պատարագէր:
Այսպիսի խռովութեանց պատճա-
ռաւ որ ժողովուրդը եկեղեցիին քովէն
չէր անցներ, այդ օր խռնուած՝ ասեղ
ձգելու տեղ չկար, այնպէս որ ոստի-
կանները հագիւ մէկ-մէկ անկիւն տե-
ղաւորած էին:

Եկեղեցւոյ ժամերգութիւնը կսկսի
Գալիթանեան իր ընկերներով միասին
քիչ յետոյ ներս կ'մտնէ ու կուզէ դէ-
պի խորանը առաջնալ, բայց երբ կը-
տեսնէ ոստիկանները, կշուարիւրձանի
նման կը կանգնի:

Դաշնակցականներէ կազմուած այդ
խմբակը կուզէ առաջ տանել Գալիթան-
եանը, բայց ոստիկանները կը համարեն
ու զանոնք՝ Գալիթանեան ու դաշնակ
խմբակ՝ դուրս կարտաքսեն եկեղե-
ցիէն: «Եր. Հայաստան» № 20

15 Յունիս 1812 ՄԻՐԵԳ
Ուստր

Բաց նամակ առաջնորդական փոխա-
նորդ Ս. Կարապետ Բախանայ Մանուկ-
եանին

Արժանապատիւ հայր.
Թեմիս առաջնորդ Կ. Եպիսկոպո-
սը որոշ հանգամանքների և ծխական-
ների մեծամասնութեան տրամադրու-
թիւնն ի նկատի ունենալով որոշել էր
դ-րդ ընտրական ժողովը գումարել զը-
նկիւն, ուր միայն հաստատուած ծխա-
կանները պիտի մուտք ունենային:

Նոյն սրբազան առաջնորդը մտա-
դիւր էր, ըստ պահանջման, նաև ոստի-
կանական հսկողութիւն նշանակել բա-
կում անկարգութեանց առաջն առնե-
լու համար:

Արդ քանի որ նոյն յետագումած
ժողովն է որ տեղի է ունենում յառա-
ջ:

ջիկայ կիրարկէ օր, և քանի որ նոյն պայմաններն են իշխում, հետևապէս անհրաժեշտ է օր առաջ ազդարարէք, որ յառաջիկայ ժողովը լինելու է ՊՐՈՒՐՆԻԿԱԿ զուտ ծխականների մասնակցութեամբ, հակառակ դէպքում որևէ պատճառով ժողովի խանգարման պատասխանատուութիւնը ձեզ և ձեր խորհրդական անդամներին վրայ կը ծանրանայ:

Մի խումբ ծխականներ

Լ Ո Ւ Ր Ե Ր

ԹԱԽԻԶ

Վաղը Յուլիս 8-ին, առաւօտեան ժամը 10-ին, առաջնորդական փոխանորդ տ. Կարապետ շահանայ Մանուկեանի կողմից, Արամեան դպրոցի թատերասրահում, նշանակուած է դալա թաղի ծխականների 4-րդ և վերջին ժողովը, ուր պիտի ընտրուին հոգաբարձուներ նոյն թաղի երկսեռ դպրոցների համար:

Յորդորում ենք մեր թաղի ծխականներին նախկին հոծ բազմութեամբ գնալ ժողովի և ընտրել արդէն յայտնի ժողովրդական մարդկանց որպէս հոգաբարձուներ:

Մեզ յայտնում են, որ Լիւսի դպրոցի աշակերտներին ոչ միայն կրօն չեն ուսուցել, այլև արգիլել են ամեն գրագետ ու անգրագետ քրիստոնեայի գիտցած «Հայր մերը» սովորել:

Այնպէս որ Լիւսի դպրոցն աւարտած և կենտրոնական մտած աշակերտները իբրև մի խորթ նորութիւն լընում և առում են «Բնչպէս թէ հայր մեր»:

ԲԱՆԱՍԻՐԱԿԱՆ

From Barbarism to Socialism
The Great Sociological Crisis in a
New Light

By

Prof. W. C. Bowman

ԲԱՐԲԱՐԻԶՄԻՑ ԴԵՊԻ ՍՕՅԻԱԼԻԶՄ

Առաջին գլուխ.

Թէ Բնչպէս բարեշնչումը (էվոլուցիան) կատարելիս է եղել իւր ընթացքը.

1. Կառավարութեան ծագումը
Մարդկային ընկերութիւնը և քաղաքական կառավարութիւնը մարդու նմարած կամ կամայական գիւտերը չեն: Դրանք գոյութիւն են ստացել անբաժան անհրաժեշտութեամբ այնտեղ, ուր ապրել է մարդկային ցեղը: Դրանց տարբեր ձևերը սահմանուած են ոչ թէ խորամանկութեամբ կամ միջնակ անգամ փառասիրութեամբ իշխողների, այլ արտաքոյ կարգի աճումովը այն անհրաժեշտ պայմանների, որոնց ներքոյ նոքա սկիզբն են առել: Սխալ է կարծել, որ մարդկանց հաստատութիւնները, օրէնքները, սովորութիւնները և հաւատքը, լինեն դոքա քաղաքական կամ կրօնական, միայն խորամանկ քրմերի կամ խորագէտ թագաւորների մեքենայութիւններն են:

Եթէ բարեշնչման (էվոլուցիայի) մեր արդի փիլիսոփայութիւնը երբ և է մեզ մի բան սովորեցրել է, ապա այդ այն է, որ մարդկային պատմութեան ընթացքը (պրօցեսսը) և յաջորդականութիւնը մարդկային դէպքերի՝ ոչ աստուածների քմահաճոյքի գործեր են

Ահա թէ ովքեր են խօսում յառաջիկայ մեքենայութեան, յանուն մատակցող սերնդի կրթութեան և ժողովրդական գործունէութեան:

Բնութեան անզուսպ տարրերը նուաճող և ծովերի թագուհի Անգլիացիք, հզօր ու փառապանծ Գերմանացիք, Աւստրիացիք, Իտալացիք, Հոլանդացիք, Բելժիքացիք, Ձուիցերիացիք, Միացեալ Նահանգները, մեր հարևան հսկայ Ռուսաստանը, մի խօսքով ամբողջ քաղաքակիրթ եւրոպան դպրոցներում պարտադիր է դարձնում քրիստոնէական կրօնի ուսումը և նոյա մէջ իւրաքանչիւր մի եօթ տարեկան երեխան «հայր մերը» անգիր գիտէ. իսկ մեր «իմաստուն» հայերիս «ամենագէտ փրկչները» վերացրել և մոլորութիւն են համարում ամբողջ լուսաւորեալ եւրոպայի ընդունած և պարտադիր դարձրած կրօնի դասաւանդումը մեր ժողովրդի (կրօնով քրիստոնեայ) կոպէկներով պահուող դպրոցներում:

Եւ դեռ այս բոլորից յետոյ, երես կայ որոշ գոյնի այդ մարդկանց մէջ՝ այդ հոսանքի մարդոց իբրև հոգաբարձու անց կացնել Արամեան դպրոցի համար:

Ժամանակ է վերջապէս իւր կրթական հաստատութեանց տէր սւ աւօրէն ժողովուրդը համարձակ գլուխ ու ձայն բարձրացնի ասելու՝ թէ մենք այս ենք կամենում, այսպէս պիտի լինի կամ չը լինի մեր դպրոցը և այսինչները այլևս բնաւ իբրև ուսուցիչ կամ հոգաբարձու իբրև մանուկ սերունդ այլասերողներ պիտի չլինի մեր դպրոցներում:

Մեզ հաղորդում են, որ հակա-ժողովրդականները, արդէն 3-րդ անգամը լինելով փոխել, են իրենց թեկնածուների ցանկը և այն «աղաներին» էլ, որոնց դէմ էին սկզբում այդ «գեմօ-

և ոչ էլ մարդկանց վճիռներ, այլ պարզապէս ծնունդ են նախ ընթաց պայմանների անխախտ և անխուսափելի օրէնքների:

Բարեշնչման փիլիսոփայութիւնը գիտէ միայն փոփոխման այս մի օրէնքը՝ քաղաքական թէ բարոյական սահմաններում — որ ներկան անցեալի արդիւնքն է և ապագայի պատճառը: Այս օրէնքի գործադրումը նոյնքան ակնեղ և մարդկային պատմութեան՝ որքան և բուսական պատմութեան մէջ: և քաղաքակրթութեան յաջորդական զարգացումները նախնական (պրիմիտիւ) օրերից հետևում են իրար ճիշտ նոյն ստուգութեամբ — Բնչպէս օր. ցօղունը ծլում է արմատից, ճիւղը՝ ցօղունից, կոկոնը՝ ճիւղից ծաղիկը՝ կոկոնից, և պտուղը՝ ծաղիկից:

Նիւթի այս գիտական տեսակէտն է, որ պէտք է չափաւորէ մեր մեթոդներն ու ոգին, իբրև բարենորոգիչներ: Որքան ժամանակ որ մենք այն պատրանքի ներքոյ լինինք, թէ ընկերութեան և կառավարութեան սխալներն ու թշուառութիւնները արդիւնք են մի որոշ նպատակի և դա՛ւ ընկերութեան մի կիսի կողմից վնասելու և կողոպտելու միւս կիսին, ապա դա բոլորովին բնական կլինի տանջողների համար, որ նրանք անձնատուր լինին դառնութեան և վրէժխնդրութեան ոգու Բայց հէնց որ գալիս ենք այն հասկացողութեան, որ այս թշուառութիւնները արդիւնք չեն չար նպատակների, այլ՝ սխալ պայմանների, այս դառնութեան ոգին տ դի է տալիս հարցի

կրատները՝ ճարահատ մտցրել են նոր ցուցակում, մէջ իբրև թայֆայական պահել կամ մտցրել են միայն մէկին, որ «միւսների վրայ ազդելով» (!) արդէն քաղաքիս երեք դպրոցները կը պահեն մի ձեռքում և... յայնժամ...

Մեզ յայտնում են, որ իւր կնոջ մահուան առթիւ Խաչիկ խան Սարաճեանը 150 թուման փող է բաժանել թաւրիզի աղքատներին:

Թաւրիզում՝ առաջնակարգ բանաստեղծ Յ. Յովհաննիսեանի 30-ամեայ յօբելեանի առթիւ տուած հանդիսի փողով Կարապետ սրբազանը գնեց և հետը բանաստեղծի համար նուէր տարաւ մի գոյգ Գրմանի ընտիր խալիչաներ, մօտ 50 թումանի արժողութեամբ:

Շուշա-էդ Դովլի ստորագրութեամբ ամսոյս 4-ին պատերին կոպցրած էր հետեւեալ յայտարարութիւնը:

Ժողովրդի դիւր ու աժան կենցաղավարութեան համար կարգադրում ենք, որ շրջակայքից քաղաք բերուող ուտելեաց պաշարեղէնները-իւր, պանիր, ալիւր, այլ և ածուխ և այլն պէտքէ մտցնուին քաղաք և բերուին Սահար-էլ-Ամիր կամ Հաֆթ-Գէշալի մէջոյանը և և այնտեղ ծախուեն: Այլևս առաջուայ պէս մարդիկ չենթան քաղաքի դիւները և գիւղացոց բեռները՝ առաջը կտրեն պաշարեղէններն իրենք առնեն և կենտրոնացնեն ձեռներում և բերեն թանկ գնով ծախեն քաղաքացոց:

Այս վերջին շաբաթը ուտելեաց մթերքը բաւական աժանացել է, միւսը, որ առաջ ծախուած էր 6 դռ. 8 շահի, այժմ ծախուած 5-ից 4 շահի պակաս, և առաջուայ 5-ից 4 երեք արաւ կամ 12 շահի Հացի լիդրը ծախուած էր 2-16 շահի, այժմ ծախուած է 2 դռ: Ածուխի լիդրը ծախուած է 26-27 շահի:

վրայ նայելու մի խաղաղ և փրկիսփայլուն տեսակէտի, տեղի է տալիս մտքի անդորր և ինքն ըստ ինքեան արժանաւոր մի գրութեան, մի մտածելակերպ, որ ներդաշնակութեան մէջ է բանականութեան և ներողամտութեան հետ:

Բայց այս նոր գիւտը չի թուացնում մեր բարենորոգչական ջանքերը, այլ դա միայն փոխում է մեր գործի ոգին, որը այլևս չի լինում անձնական կռիւ ընդդէմ յայտնապէս վատ մարդկանց, հապա դառնում է սկզբունքների մի պատերազմ ընդդէմ իսկապէս մի յոռի սխտեմի:

Բնաշնչման այս փիլիսոփայութիւնը շատ պարզ ուսուցանում է մեզ կառավարութեանց և քաղաքակրթութեան պայմանական ծագումը: Ոչ միայն բոլոր կառավարութիւններն իրենք այլ և բոլոր փոփոխութիւնները, որոնց նրանք ենթարկուել են շնորհիւ բարենորոգումների և յեղափոխութիւնների, առաջացել են իբրև բնական և ինքնաթիւն պատասխաններ շրջապատի հարցերի:

Թէ նահապետական իշխանութիւնը (Patriarchal) կառավարութեան նախնական ձևն էր, դա ոչ պատահար էր և ոչ էլ մարդկային մի ծրագիր: Այլ իբրև պարզ հետևութիւն նախնական իրերի դրութեան, երբ բնական-կան ազգակցութիւնը բռնում էր առաջին տեղը զարգացման օրէնքում:

(Շարունակելի.)

Կարլ

Մեզ հաղորդում են, որ ուրբաթ երեկոյ կենտրոնականի հոգաբարձուներից պ. Արեանը անարգելով դուրս է արել պարտիզի բուֆետչիկ պ. Բաղդ. Շահգեալեանին, որովհետև վերջինս համարձակուել է առարկել նրա լապտեր ուղեղու ապօրինի պահանջի դէմ:

ԱՏՐՊԱՏԱԿԱՆ

Սալմաստում առաջնորդական փոխանորդ էր (Երեմի Նիշէ ծ. վ. Մուրադեանի մօտ ծառայ) Կարախեա եպս-ից ծաղկեայ փրկոն ստացած Նիշէ քահանան: Այժմ մեզ հաստատ աղբիւրից հաղորդում են, որ այդ «սրբակրօն հայրը» այդտեղի առաջնորդական հասցի թէ և այլ դրամներ-մօտ 3-5000 թմն.-գրպանելով «տեղափոխուել» կամ թուել է Վան, ուր իր այնտեղ գտնուող ազգային «գործիչների» շնորհիւ ձեռք է բերել Ս. Բարդուղիմէոս վանքի վանահայրութիւնը. էջմիածնի ուղարկութիւնն ենք հրաւիրում...

Ելի մեզ յայտնում են, որ Դուխարդանի ազգապատկան հողերը օր առօր կլանւում են թիւրքերից: Վերջապէս երբ այդ հողի յափշտակութեան առաջը կանուռ: Այդ էլ հօշարագաղի անմատչելի լեռներում ու աւազակաբարս ժողովուրդների մէջ չի գտնուում:

Յայտնի Դերիկի վանքը, որ նորից իր նախկին բարեկեցիկ վիճակի մէջն էր մտել (այժմ ներկայացնում է տաճկական հող), ունի 12 տուն քուրդ հպատակ Մամադիներ, վանքի վրայակում է Սալմաստի գործ. խորհուրդը, սակայն մեկնելով քուրդ Շէյխ սկսել է վանքի հողերը գրաւել: Ինքը՝ խորհուրդն այդ մասին յայտնել է թեմ. իշխանութեան:

Դերիկը ունի 20 հազար ոչխար արածացնելու միմիայն արօտատեղի: Ներկայ քուրդ հպատակները տալիս են 100-ին երկու ոչխար:

Ռ՝վ պէտքէ ազգային եկեղեցական կալուածների գրաւման առաջն առնէ:

Համերաշխականների վերջին թրուուցիկին ի պատասխան առ այժմ միայն Շնորհալիի այս ստղերը կասենք.

Շուրջ պատեալ զինե

Շուրջ բազումք եղեն

Շաղախին արեամբս: ...:

ՊԵՐՍԿԱՆՆԵՐ

Պարսկաստանը համաձայնեց Ռուսաստանի խորհուրդը կատարել և վերականգնել կողակների բրիգադան, որի գլուխը լինելու են երկու ռուս օֆիցէր և չորս ունդէր-օֆիցեր: Բրիգադան գտնուելու է Թաւրիզում:

«Մշակ» №-139

Սիփէհարի և Պարսից կառավարութեան կռիւը շարունակուած է: Սիփէհարը շարունակում է մնալ Թէհրանում և ինտրազաներով զբաղուել կարինէտի և բախդարինների դէմ:

«Մշակ» №-140.

ԱԶԳԱՅԻ

Յուլիս 1-ին Ս. Էջմիածնում կատարուել է ամենայն հայոց կաթուղիկոս Գէորգ Ե. Հայրապետի օծումը:

Հայրապետը Պետերբուրգից իր դարձին ամեն տեղ փառաւոր ընդունելութիւն է գտել: Առանձին շուքով

ընդունել է վեհին թիֆլիզ քաղաքը:

Թիֆլիզի վանքի եկեղեցում վեհը խօսել է քարոզ:

Այդ քարոզը (?!) իւր համառոտութեամբ, բարձրաթիւի մտքի և հիպոստոզ ու նոր խօսքի բացակայութեամբ՝ կարծում ենք, ամենքի վրայ ևս շատ... սառը և աննպաստ տպաւորութիւն թողած կլինի:

Հայութեան կենտրոնում, կայսերական և ժողովրդական այդքան սիրալիր ընդունելութիւններից յետոյ, սպասելի էր որ հայոց կաթողիկոսը արտասանէր դարագլուխ կազմող, ժողովուրդ ցնցող, ոգևորութիւն, և նորոգչական հսկայ շարժում առաջացնող մի պատմական քարոզ: Գոնէ մենք այդ էինք սպասում մեր հաւատոյ առաջնորդից և մեր պապերի աւետարանի քարոզչապետից:

Պօլսոյ ազգային ժողովի նոր նստաշրջանի I. նիստը՝ Արշարունի պատրիարքը բացել է մի ընդարձակ ճառով: Ներկայացրել է հողային, կրթական, նրուստող մի պատրիարքի ընտրութեան, ազգային եկեղեցին «ծիսական, վարչական և կանոնական տեսակէտով, բարեկարգելու»-ժամանակի ոգոյ և պահանջման համաձայն-ամուսնական գծովութիւնների, կնաթողութիւնների, ալրամթողութիւնների, պատրիարքարանի ներքինարեկարգութեան և այլ շատ հարցեր, որոնք շտապ լուծուին են պահանջում:

Չափազանց ուշադրաւ են պատրիարքի հետեւեալ իրաւացի դիտողութիւնները.

«Ազգին ծովացած ցաւերուն դարման կպահանջուի Պատրիարքարանէ, միւս կողմէ, անոր ղեկավարութեամբ առաջնորդ կկոխտուի: Ինչպէս հաշտեցնել այս երկու պարագաներն իրարու հետ... Տեսքը երեսփոխանք, ձեր ցաւատանջ Պատրիարքը նոր նստաշրջանի առիթով կոչում կընէ ձեր բարոյական և ազգասիրական ամենամաքուր զգացումներուն:

Կինդրեմ յարգեցէք օրէնքը, համերաշխեցէք իրարու հետ, որպէս զի ապրենք ու ապրեցնենք այս սրտաբեկ ու մարտիրոսացած պատմական ազգը»:

Մարզումում (Անատոլու-Փոքր Ասիա) մի ընտրական պայքարում Դաշնակցականները երեք ժողովում իրար վրայ սևանալուց և Հնչակեանների յաղթանակելուց կատարած՝ ժողովները միշտ վիժեցնում են և զիմում ձեռքի:

Այդ պարագային ժողովուրդն ընկնում է նրանց վրայ և շարք ու թակով վռնում զուրս ժողովից: Այս բոլորից շղայնացած՝ Դաշնակցականները գնում և մատնում են կառավարութեան՝ տեղական Հնչակեան մ-ճիւղի բոլոր անդամներին: Օսմանեան տեղական կառավարութիւնը ձերբակալում է մասնաճիւղի բոլոր անդամներին, գրաւում է զօկումէնդներ և ըսկում երկար քննութիւն: Մանրագին քննութիւնից յետոյ՝ դատարանը արձակում է բոլոր ձերբակալուածներին և յանձնում նաև գրաւած թղթերը, յայտնելով որ նոցա մէջ «միւզիւր», (վնասակար) ոչինչ չի գտել: Ո՞վ ամօթահար մնաց: Եւ դեռ սրանք են, որ այլոց հասցէին «մատնութիւն, մատնութիւն» են բռնում:

Այսպիսի մի մատնութիւն աւել էին և թէհրանում քաջ «տղերք» երբ Հնչ. կուսակցութեան կենդրոնի ներկայացուցիչ Գր. Նիկիւսը Մադուլիէ փարքում ուզել էր դասախո-

սութիւն տալ Պարսկերէն լեզուով: Ազգի «արթուն պահապանները» շտապել յայտնել էին (մատնել էին) ուրանկ է, որ Բաքիական ժողով է գումարում, Խոյ մարդ զրկեն և խափանեն: Ուղարկուել էին մի քանի սէրդներ, որոնք դասախօսութեան ներկայ լինելով՝ միայն գոյք ու հիացմունք էին տարել իրենց շէֆերին: Վերջիններս էլ Շապուհի պատմական խօսքերն էին ասել մեր «եռանդուն դակլաղ-չիններ» մասին,

Ամասիայում (Անատոլու) Դաշնակցականները Մայիս 27-ին «հայ ազգի զօրավար եփրեմ խանի անմահ յիշատակին սգահանդէս» պիտի կատարէին: Այդ նպատակով մի պաշտօնական նամակով զիմել էին տեղական Հնչ. մասնաճիւղին, որ վերջինս էլ մի ներկայացուցիչ զրկի հոգեհանդիսին խօսելու: Մասնաճիւղը սիրով ընդունում է հրււժէրը և գրաւոր յայտնում, որ ժամանակին իր այս ինչ ներկայացուցիչը կուղարկուի մասնակցելու և խօսելու սգահանդիսին: Կօմիտէականները, երեւի, վերջը նկատում են, որ մեծ սրբապղծութիւն են արել եփրեմի հանդէսին մի հնչակեան բանախօս կանչելով, դադարեցնում են սգահանդէսը, չժանուցանելով այդ մասին ոչ ժողովրդին և ոչ էլ հնչակեան մասնաճիւղին, որի ներկայացուցիչը որոշեալ ժամին ժամադրաւարը գնալով՝ ոչ սգահանդէս է տեսնում և ոչ ժողովական: Մանրամասնութիւն ու զօկում մենդներ յաշորդ համարով: Ինչ կասէք գաղափարի այդ «ագնիւ» հակառակորդներին:

Մամաշիա՝ կիսամսեայ հանդէս, թիւ 16, 30 Մայիս:

Մի՛ աղստէ՛ք Գուսսենբերգի գիւրջ Յոյց տալու համար, թէ որոշ տիպի մարդկանց հոգեկան արհամիտութիւնը մինչ որ աստիճան կարող է հասնել, թէ այդ մարդիկ որքան անազնիւ հարկւր քառասուն և հինգ մարդոց ներկայութեամբ կատարուած իրողութիւնն ընդունակ են «արտի ու խղճի» ամենայն հանգստութեամբ հիմն ի վեր շուռ տալ, աղաւաղել փաստերը, սեպ հական փողոցափայլ ալյանդակութիւնները և անպատկառութեան սխաւործութիւնները ուրանալուց բացի՝ այդ բոլորը այլոց վզին փաթաթել-առաջարկում ենք մեր արգոյ ընթերցողներին անալայման ձեռք բերել «Հորիզոնի» 136 թիւը և կարդալ այնտեղ «Թաւրիզի Բարբերից» վերնագրով յօդուածը ուր Հարամտօրէնմիայնակարագրուած է Յունիս 10-ի Միամեան դպրոցում գումարուած ընդհ. ծխական ժողովը: Այդ յօդուածում այնքան սուս կեղծիք եւ գրպարսպիւն կայ, որքան չկան տառեր:

Թո՛ղ կարգան ամենքը և որակեն մեր մէլդանի հեռանկին կամ բարոյական այդ թափթիւկներին, որոնք կրգուել են իրենց ամեն կարգի սրբութիւն և սրբութիւններով ոչ ամաչել և ոչ խղճահարուել, այլ անպակասութիւնն ու մոլորեցումը նպատակ դրած՝ ուխտերնգրադիլ գրականցանաժով լոկ այլոց անձնական խթթելու: Տարաբազ Գուստներեղ որի հրաշալի գիւտը անխղճօրէն արատաւորում են սոսկալիօրէն պղծաշուրթին և ժանտահողի մարդիկ:

Այս ամենը տարօրինակ կամ անպատկառ չեն արդէն յայտնի կուրսի մարդկանց կողմից, սակայն տարօրինակ ու անսպասելին «Հորիզոնի» ասպնշական լինելն է հոգեպէս և մարմնապէս բորոտալից այդ տիպերի և նոցա զրպարտա-զազրախօսութեանց համար:

Հասարակական ցեցեր... Hands off!

Խմբագիր-հրատարակիչ՝
Ա. Տ. Վարդանեան

ՅԱՅՏԱՐԱՐՈՒԹԻՒՆՆԵՐ

ԲԱՑՈՒԵԼ Ե ԲԱՂԱԲԱՅԻՆ ՀԻՒՆԱԴԱՆՈՑՈՒՄ ԱՏԱՄԱԲՈՒԺԱԿԱՆ
բուժարան (Էջէքնիցա)

Արժէքները չափազանց մատչելի են: Աղքատները բշխուում են բոլորովին ձրի: Հիւանդներ ընդունւում են առաւօտեան ժամը 8—1, երեկոյեան ժամը 3—6

ՀԻՄՆԱԴԻՐ ԱՏԱՄԱԲՈՑԺ՝ ՄԱՏԻՆԵԱՆ

МАГАЗИНЪ ПАРИЖЪ
MAGASINS DE PARIS-TABRIZ.
PROPRIÉTAIRE J. D. THOMASSIAN



ՓԱՐԻԶ ՄԱԳԱՅԻՆ

ԿԱՆԱՅԻ ՆՈՐ ԲԼՈՒԶՆԵՐ

ՓԷՇՆԵՐ ԵՒ ԻԻՊԿԱՆՆԵՐ

ՆՈՐ ԿՏՈՐՆԵՐ

ԵՒ ԶԱՆԱԶԱՆ ԳՆԻ ՊԵՏԻՍՏՆԵՐ

ՕՋԱՂՆԵՐ ԶԱՆԱԶԱՆ ՏԵՍԱԿԻ

ԵՒ ԽԻՍՏ ԱԺԱՆ

ՇՏԱՊԵՑԷՔ ՕԳՏՈՒԵԼ ԱՌԻԹԻՑ

Նշանդէքի և հարսանեաց բօմբօններ և շիրիններ, կանացի բաթիսթեայ, զգեստներ, տղամարդկանց անգլիական դաշալի կոտլերներ և թարմ շոգօղտներ:



ԳԱՐՈՒՆ

(ՄԱԳԱՅԻՆ ՄԻՍԱԿ ԲԺՇԿԵԱՆԻ)

Նոր ստացւել են ՄԵՏԱՔՍԵՑ ԲՆՏԻՐ ԲԼՈՒԶՆՈՒՆԵՐ, ՍՊԵՏԿԱ ԼԵՒ ԲԵԹՆԵՐ, տղամարդկանց կոճ ԳԼԵԿԵՆԵՐ, ՆԵՐՈՒՑԿԱ ՎԵՐՈՑՆԻԿՆԵՐ, ճաշակաւոր ԳԼԵՑՈՒԿՆԵՐ, անձեռոցիներ, երեխաների գլխարկներ և զանազան տեսակի հետաքրքիր խաղալիքներ:

Ընդունելով ԵՂԱՐԷ ՍԵՐԱՆՈՎՆԵՐԻ ԱՌԻՑՐԱՆՈՒՆ ՏՆՆ ներկայացուցութիւնը, պատիւ ունիմ յայտարարելու ի գիտութիւն սպառողների, որ ընդունում եմ նոյն Ֆիրմայի պատրաստի պապիրոսների պապիրոսների և ծխախոտների պատւէրները: Պատւէրներ կարելի է տալ 50000 հատից սկսած: Իբրև կանխավճար վերցնում ենք 100-ին 150 | 0 գները հաշուում ենք գործարանի հաշով, ցանկացողները կարող են վերցնել պրէսկուրանտ:

ТАВРИЗСКАЯ ГОРОДСКАЯ
Больница

Возобновился амбулаторный и стационарный приём-больныхъ, ежедневно отъ 10—12 часовъ.

Бѣдные по запискѣ отъ г. Байларбеги принимаются бесплатно

Завѣдующій больницей докторъ Ваганъ Геворковъ

ԲԱՂԱՅՈՒ Ա. ՏԷՐ ԳՐԻԳՈՐԵԱՆԻ

Ի գիտութիւն Թաւրիզի յարգոյ հասարակութեան յայտարարում ենք, որ բաղնիսի շուրը, որ առաջ մատակարարւում էր Ղալա Թաղից, այժմ բերւում է Լիւալից:

Այն չքաւոր կանայք և աղջիկները, որ առաջ մարդագլուխ վճարում էին չորս արասի, այժմ մի մի արասի պակասեցուած է նոցա այդ տուած նախկին արժէքից: Յաճախողները խիստ գոհ կմնան բաղնիսի մաքրութիւնից և շրի լաւութիւնից:

ԴՕՔՏՕՐ ՍԱՐԳԻՍԸ

Ամեն ուրբաթ օրերը ժամը 2-ից, կէսօրից յետոյ, ձրի խփում է աղքատների և չքաւորների երեխաների ծաղիկները: